

*Юрий Васильевич Потанов – Саргын
Ньургуһун*

Халдһаайы быарыттан,
Чаранг тыа быһһыттан,
Тонг буору тобулан
Ньургуһун тахсыбыт.

Тымныыны тоһутан,
Күөх сааһы эргитэн,
Көһүлгэ көччүйэн,
Үөрбүтэ олуһун.

Кырдал күөх түөһүгэр
Күлүгүн көрүнэр,
Үчүгэй бэйэтэ
Тыал хоту бигэнэр.

Күн уотун сылааһын,
Ийэ сир илгэтин
Инэрбит ньургуһун
Көрүүххэ кэрэтин.

Ким маннык нарыннык,
Намчытык нусхайыай?
Ким маннык чугастык,
Истинник мичээрдиэй?

Арай эн, арай эн,
Эйэбэс, элэккэй
Ньургуһун барахсан,
Мичээрдиир эбиккин.

1995 с., кулун тутар 10 к., Арбын

Ньургуһуннар үүммүттэр

Киһи эрэ хайгыах, таптыах,
Бөлөх- бөлөх мунньустан
Халдыаайыга, харалдыкка
Ньургуһуннар үүммүттэр.

Ньургуһуннар, ньургуһуннар
Айыы далбар хотуттар,
Ньургуһуннар, ньургуһуннар
Кэрэ куолар курдуктар.

Көрдөх аайы ситэн – тупсан,
Саһарҕалыын сизэтиһэн,
Сииккэ суунан, күлэн- үөрэн
Мичээрдэһэ турдулар.

Ньургуһуннар, ньургуһуннар
Айыы далбар хотуттар,
Ньургуһуннар, ньургуһуннар
Кэрэ куолар курдуктар.

Саҥа тыллар чэлгиэн күөхтэн
Чэбдик салгын илгийэр,
Сааскы кэмтэн, сырдык күнтэн
Сүрэх үөрэн эһэйэр.

Ньургуһуннар, ньургуһуннар
Айыы далбар хотуттар,
Ньургуһуннар, ньургуһуннар
Кэрэ куолар курдуктар.

2007 с., кулун тутар 20 к., Арбын